

Transkription von Stadtbucheintrag HWI 1392d

Ort, Datierung: Wismar, 1392-??-??

Signatur: Stadtarchiv Wismar, Liber proscriptorum, S. 36-37

Inhalt: Rat der Stadt Wismar: XXX, Straftatenregister

[Anno 1392]

[...] potherow vnde Claus potherow tho bruzevýtze pleghen / [...] ligghende . Jt(em) henneke Weltzýn to Weltzýn Jt(em) hinr(ic) p(er)sow / [...] us pressentyn to gloweke . Jt(em) hinr(ic) nyghendorp . to kadow / voderden zec . /

Henneke gusteucl to mostelyñ de was mede in der Reyze / hinr(ic) ernst to below de krech domelowen perde eýn van / [...ustine] . Jt(em) henneke dolgke to Rust de kofte domelow perde en / van petere vnde de sulue peter hadde ok zodane ene Reyze rede(n) / myd Clawes fineken van Wusten . vppe dem Werder dar worden zee / ge schint /

hinr(ic) kramen de junghe deneke Weltzmes zone to tzamytte / hennýng Wassenisse vnde hartwych bulle vnde Rutzen luchowen / veere knechte van kloderým /

vnde alle desse vorsc(reuenen) de weren altomale mede do ze weren Reýzet / vppe den buth . Jt(em) ghereke bredeuest Rutzen knecht Jt(em) drewes / Manderow Reymer prestins knecht /

In nocte laurentij ¹ Gotschalk van Redechstorpe . Otte parsow(e) myd / sinen knechten van der tzene . hennýngh vnde hinr(ik) van plasten / Schoneberch . Scroder . quale vnd(e) Reymer² Reyneke vos . hartych / hu(m)melboter de nemen tho pũtklote dre p(er)de vnde hundert /

I(tem) tho dem gherdeshaghene . nam hartich hu(m)melbuter vnd(e) / quale vnde claus hazenmu(n)t vnd(e) Reyneke vos . xv . perde . /

I(tem) des su(n)nauendes vor sunte Mychele . diik vnde ghamme de / nemen wyntere van meytin . vj . perde by der nyghenborgh . /

I(tem) Hennýngh Rughe de nam vi . perde tho dem barzee de horde / Claws wytberns /

Reyneke vos de bekand des dat he Hermeken meygher how / in den hals . dar was quale mede. //

In nocte palmar(um) ³ gotschalk van Redechstorpe vnde / hartychhu(m)melbuter vnde katte . de weren to putklote / vnde wunden ene(n) búr de het katte dar helt Rey=/neke vos vppe dem valde vnde werde dat . dat dar nu(m)=/ment van dem dorpe konde to komen .

¹ 1392-08-09

² **Reymer** durchgestrichen

³ 1392-04-06